

ՀՈՐԵԼՅԱՆԱԿԱՆ ՀԱՆԴԻՍՈՒԹՅՈՒՆՆԵՐ

ԾԻՐԱԿԻ ԹԵՄՈՒՄ

ՀԱՆԾԱՐԵՂ ՀԱՅՐԱՊԵՏԻ ՀԵՏ

Հայ ժողովուրդը գիտի արժանին և պատշաճը մատուցել իր այն զավակների սուրբ հիշատակին, ովքեր բոլորանվեր կյանքով ծառայել են ազգօգուտ նպատակների: Լույսով, ջերմությամբ առկեսում նրանց հիշատակը ապրող և գալիք սերունդների մի կենդանի վկա է, անսահման բարու, գեղեցիկի մի վեհ տիպար: Ուրեմն և նրանց լիաբուռն, կենսաշող կյանքի անմահ հիշատակի ոգեկոչումը մեր՝ ապրողներին սրբազան, նաև պարտադիր կատարելի պարտականությունն է: Մեր ժողովուրդը ներքին մի վեհ զգացումով, սրտդողով գլուխ է խոնարհում անցյալի այն պայծառաշուք անունների խնկելի հիշատակի առջև, ովքեր՝ մտքի, լուսավորության, մշակույթի, հավատի ռափկրաններ դարձան և իրենցով լույս ու ջերմություն սփռեցին ամենուրեք: Փայլատակող հանճարների մեր անմահ գործիչների շքեղաշուք անդաստանում իր փառավոր և արժանի տեղն ունի երանելի Հայրապետը՝ Ներսես Շնորհալին, նա, որ իր հուզաթաթալ աղոթքներով մեր սուրբ ժամագրքի անբակտելի ոգին ու մասն է, նա, որ գիտեր մանկանալ, մանուկների սրտին ու մտքին արժանի երգեր գրել, նա, որ երաժշտությամբ էլ բանաստեղծ էր, բանաստեղծելով էլ՝ երգահան, նա, որի աստվածատուր ձայնը քանի՜ քանի՜ ունկնդիրների ականջն է շոյել ու իրենով լցրել, նա, որ գիտեր մեր քրիստոսադավան եկեղեցուն արժանին մատուցել և հանուն նրա՝ պատշաճ ծառայություն, կարգ ու կանոն պահանջել բարձրաստիճան և ցածրաստիճան հոգևորականներից: Ո՞րը թվել: Հանճարեղ Հայրապետի սուր աչքը, սուրբ Աջը հասել են ամենուր, ուր պետք է լիներ հայի ոգին, տվել անմնացորդ կերպով իր պայծառ մտքի փայլատակումները, տվել

հանուն մեր ժողովրդի, մեր լույս հավատի, բնավ պատմությունից չակնկալելով հատուցում և, մանավանդ, փառք: Այդ մենք՝ նրա հետնորդներն ենք, որ արժանի դափնեպսակ ենք դնում նրա անմահ անվանը, հպարտ անսահմանորեն, որ երանելի Ներսես Շնորհալին մեր բազում հանճարներից մեկն է:

Եվ մեր ժողովուրդն անսահման սիրով ու երաստագիտությամբ ընդունեց Ն. Ս. Օ. Տ. Տ. Վազգեն Ա-ի՝ ա/թ հունվարի 16-ի № 743 սրբատառ կոնդակը, որով մեր հեռատես Հայրապետը 1973 թ. հայտարարեց Ներսես Շնորհալին նվիրված հոբելյանական տափ:

Ծիրակի ժողովուրդն անսահման սիրով ու բերկրանքով ընդունեց այդ կոնդակը, միշտ ակնկալ, որ Ծիրակի թեմը և նրա առաջնորդանիստ ս. Աստվածածին եկեղեցին հավուր պատշաճին տոնելու են հայոց հանճարեղ Հայրապետի մահվան 800-ամյա հոբելյանը:

Եվ ահա 1973 թ. դեկտեմբերի 9-ին, կիրակի օրը, Լենինականի ս. Աստվածածին եկեղեցում, հանդիսադրությամբ Ծիրակի թեմի բարեջան առաջնորդ տ. Նարեկ եպս. Ծաքարյանի, խանդավառ և ոգեշունչ մթնոլորտում տոնվեց Ներսես Շնորհալու մահվան 800-ամյակը: Օրվա պատարագիչն էր տ. Կարապետ քահանա Բելամյանը: Եկեղեցին լեկ-լեցուն էր հավատացյալներով, բազմաթիվ մտավորականներով: Վեհաշունչ պատարագի ընթացքին, «Հայր մեր»-ից առաջ, ս. Սեդան է բարձրանում արժանապատիվ տ. Արամ ավագ քահանա Բոյաջյանը և «Արդարությամբ մի դատիր, այլ գոթությամբդ ներիր» Շնորհալուց վերցված բնաբանով սկսում իր քարոզը: Նա համառոտակի նշում է Հայրապետի անցած կյանքի պայծառ ճանապարհը, մասնավորաբար ընդգծելով այն մեծ ծառայությունը, որ Ներսես Շնորհալին մատուցել է հայ եկեղեցուն, բանաստեղծա-

